

道光十年歲次庚寅蒲月穀旦十一世

蔭廷 槐重修今將我

考輝嚴公手序謹錄於左

夫族之有譜猶國之有史也國無史則歷朝之政

治弗傳族無譜則奕世之宗艾莫辨我

始祖德善公來自東莞縣大井鄉也從始來東莞之祖

計之則我祖德善公十三世矣 彥華公我祖所

自出也 彥榮公我祖伯父也 德威公我祖胞

弟也我祖緣聞香山風俗醇厚成化年間來邑翠

微鄉染布生理娶 祖母楊氏生二世祖四人既

而圖創基業擇地而居爰於嘉靖戊午年來舊鄉

白葉林啟疆作室其拮据擘劃所置之田宅頗饒

始祖沒後自 二世祖以下生齒累繁開苗籍而

名繼鸞置產業頗稱殷富其間之克自振拔光大

門閥者代不乏人迨其後人事就衰我 八世祖

考宿學諱與京公率合族而遷居會同住十餘年

而後嗣之挺生日眾我 考諱曰滿公則名標國

學 叔考大勛公聲噪膠庠其所以致此者洵我

祖與京公之力也越乾隆庚辰歲 叔考大勛公

鼓舞長次兩房創建祠宇致舉先人之靈爽有所

式憑迄今又十餘年矣祖妥居安之後凡我族人

惟當志詩書安耕鑿求所以先前人裕後嗣者斯

亦足矣夫復何事第閱天我族舊譜蠹耗幾湮僅

得千百之十一况本房自六世而後尚未經修久

與族眾商及其事具謂異日必回大井拜

祖合族修譜乃將我房自六世以後者一併修明

無如年復一年徒有志而未逮而舊譜益不堪捧

讀矣欲歸大井而糾通族合為修譜則目前之力

固所未能而本房之族譜亦聽其廢壞勿修寸心

弗愜以故不揣庸劣核源流於父老權將本房一

世至十二世者盡筆於冊非敢謂能得其詳亦聊

以紀昭穆之梗概云爾